

Ermuko kirolariek maila ona erakutsi dute Euskadiko txapelketan

Ander Santosek eta Irene Pérezek Euskadiko Txapelketa Absolutuan hartu dute parte otsailean. Anderrek urrezko domina lortu du 800 metrotan eta Irennek brontzekoa altuera jauzian. Lolo García entrenatutako gazte hauek hizpidea emango dute aurrerantzean.

Ander Santosek 12 ordu inguru entrenatzen ditu as-terio Betiondoko instalazioetan. 1,95 metroko altuera du, 18 urte ditu eta otsailaren 16an Euskadiko Atletismo Junior Txapelketan parte hartu zuen. *Drogetenitturri* inprentara bidaltzerako orduan emaitza ez genekien arren, aurrekariak ikusia, ondo arituko zela pentsa daiteke.


Otsailean burutu zen Euskadiko Txapelketa Absolutuan 1'59",64ko marka egin zuen, garaipena lortuta. *"Iaz sasoi hobeagoan egon nintzen"*, dio Anderrek eta hori entrenamenduen esku dago.

Aurten Armeria Eskolan mekanizatu gradua ikasten hasi da. *"Nire asmoa entrenatzen jarraitzea da eta urtetik urtera nire bilakaera ikusten joatea, nire helburuak zeintzuk izan daitezkeen zehazten joateko"*. Kirolak beste gauza batzuk egiteko denbora kentzen dion arren, gustukoa du eta Espainiako txapelketa absolutuan parte hartzea gustatuko litzaioke, *"baina horretarako asko entrenatu behar da, ia-ia horretan bakarrik aritu"*, azpimarratzen du.

Irene Pérezek, bestalde, altuera jauzian eta eskubaloian jokatzen du. Espainiako txapelketan 4. izan zen altuera jauzian iaz kadetteetan eta aurten 3. postua eskuratu du Euskadiko jubenil mailan. Martxoan, berriz, Antequera (Malagan) ospatuko den Espainiako txapelketara joango da, eta zaila izango bada ere, itxaropen tsu dago. *"Iaz 1,64m.ko marka nuen eta aurten 1,55m. inguruan nabil. Baina badakit hemendik aurrera hobetzen hasiko naizela"*.

16 urte ditu, baina kirola serio hartu nahi badu, baliteke datorren urtean atletismoa eta eskubaloia artean aukeratu behar izatea. *"Zaila da esatea, baina beharbada atletismoa aukeratu nuke"*, dio Irennek. DBHko laugarren mailan dago, Anaitasuna Ikastolan eta bere helburuak kirolean nahiko argi ditu: *"Ni hona ez nator irabaztera, ondo pasatzera nator. Eta irabazi ahal badut, primeran!"*, eta aurrerantzean aukeratu dituen ikasketen inguruan ez daki zer esan: *"Aktore izan nahi dut, baina ez dakit..."*.

Dorleta Vidal



Zer dio Lolo García entrenatzaileak?

Ander 'makina' hutsa da! 7 urte daramatza nirekin entrenatzen baina, pena ematen dit futbola lehena-go utzi ez izatea, zapaltzeko duen era eta muskulaturazuzentzea asko kostatu zaidalako. 800 metroko lasterketan ez dauka parekorik ez Euskadin ezta inguruetan ere. Baina Espainian oso jende ona dago 800etan! Horrez gain, langilea da, zintzoa, umila... Entrenamenduetan ez du sekula trabarik ipintzen! Dena egunean egiten du eta eman dezakeena baino gehiago ematen du eguneoro.

Irennek txikitatik entrenatzen du nirekin eta nire gustura moldatu dut. Parametro onak zituen hasieratik: hanka luze eta muskulatuak. Baliteke altuera jauzia egiteko altuegia ez izatea, baina oso gaztea da eta maila ona du. Eskubaloian jokatzeak ez dio mesede egiten, entrenamendu ostean ez daukalako errekupe-ratzeko denborarik, baina hor ezin naiz sartu... Txarrena? 'Mala letxe' gehiago beharko lukeela txapelketan, anbizio handiagoa. Bestalde, oso alaia da, etorri eta taldea hankaz gora ipintzen du!

Pub SCORPIO



Zubiaurre, 21
ERMUA



PUB YOMY

Zubiaurre
kalearen
bihotzean